

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO - DOBOJSKI KANTON  
KANTONALNO TUŽILAŠTVO  
ZENIČKO - DOBOJSKOG KANTONA

Broj: T04 0 KT 0059474 24  
Zenica, 10.01.2025. godine

OPĆINSKI SUD U ZENICI  
-Sudiji za prethodno saslušanje-  
Z E N I C A

Na osnovu člana 45. stav 2. tačka i) u vezi sa članom 241. stav 1., člana 242. stav 1. Zakona o krivičnom postupku Federacije Bosne i Hercegovine, p o d i ž e m,

O P T U Ž N I C U

*Protiv:*

S. Š., neosuđivan,

*što je:*

dana 02.06.2024. godine, oko 15,30 sati, u Z., u ulici ..., silom pokušao spriječiti ovlaštena službena lica Policijske uprave I Z., Policijske stanice Centar, u vršenju službene radnje koje su preduzeli u okviru svojih ovlasti pri obavljanju poslova čuvanja javnog reda,

na način da je policijskim službenicima S. I. i A. M. koji su na prednje navedenu adresu odnosno pred kuću B. B., upućeni na intervenciju zbog narušavanja javnog reda i mira koji je S. Š. vršio tako što je dovikivao i dozivao svoju bivšu suprugu M. B., a u tom trenutku B. partnericu, i tako ih oboje uznemiravao, odbio dati na uvid ličnu kartu radi provjere i utvrđivanja identiteta, koju radnju su policijski službenici preduzeli u skladu sa odredbom iz člana 11. Zakona o policijskim službenicima Zeničko - dobojskog kantona („Službene novine Ze - do kantona“ broj 4/14) kojom je propisano da je policijski službenik ovlašten da izvrši provjeru identiteta osobe koja, između ostalog, predstavlja prijetnju drugoj osobi ili javnom redu ili sigurnost koja zahtijeva policijsku akciju,

pa se tako policijskim službenicima koji su preduzeli navedenu službenu radnju obratio povišenim tonom riječima “Ne dam vam ličnu kartu”, da bi im, na službeno upozorenje koje je izdato u skladu sa članom 20. Zakona o policijskim službenicima Zeničko - dobojskog kantona, kojim je između ostalog propisano da će

policijski službenik upozoriti osobu koja svojim ponašanjem, djelovanjem ili propuštanjem može prekršiti zakon i red, odnosno u slučaju da bi ta osoba mogla učiniti ili izazvati drugu osobu da učini prekršaj, zaprijetio da će pozvati R. I., Federalnu upravu policije i F. R., a zatim počeo da histeriše, galami i plače, da bi po dolasku policijske patrole u sastavu M. D. i J. P., u namjeri da ih spriječi u obavljanju službene radnje lišenja slobode počeo bježati u čemu su ga policijski službenici S. I., M. D. i J. P. spriječili, na način da su ga upotrebom fizičke snage i sredstava za vezivanje stavili pod kontrolu i lišili slobode pri čemu im je svo vrijeme pružao aktivan otpor trzajući nogama i pokušavajući izvući ruke, te nastavljajući se opirati i prilikom sprovođenja do službenog vozila za privođenje „VW Golf“ reg. oznaka ..., te cijelo vrijeme odgurujući se nogama od tlo i udarajući objema nogama u prednji desni dio navedenog vozila, svjestan da opisanim radnjama sprečava policijske službenike u vršenju službene radnje koje su preduzeli u okviru svojih ovlasti, što je i htio, nakon čega je sproveden u službene prostorije PS Centar gdje je i zadržan,

dakle, silom pokušao spriječiti službene osobe u vršenju službene radnje koju su poduzeli u okviru svojih ovlasti pri obavljanju poslova čuvanja javnog reda,

čime je počinio krivično djelo „Sprečavanje službene osobe u vršenju službene radnje“ iz člana 358. stav 3. u vezi sa stavom 1. sve u vezi sa članom 28. (pokušaj) Krivičnog zakona Federacije Bosne i Hercegovine (KZ F BiH).